



Fundur í sveitarstjórn

26. fundur sveitarstjórnar Langanesbyggðar haldinn í félagsheimilinu Þórsveri á Þórshöfn fimmtudaginn 28. maí 2015 kl 17:00

Mætt eru: Siggeir Stefánsson, Reynir Atli Jónsson, Hilma Steinarsdóttir, Halldóra Jóhanna Friðbergsdóttir, Hulda Kristín Baldursdóttir, Björn Guðmundur Björnsson, Gunnólfur Lársson og Elías Pétursson, sveitarstjóri sem ritaði fundargerð.

Oddviti setti fundinn, bauð fundarmenn velkomna og spurði hvort gerð væri athugasemd við fundarboð. Svo var ekki.

Óskað eftir að bæta inn dagskrárlið sem yrði nr 12 í dagskrá fundarins og nefnist Samstarfsamningur um almannavarnir. Borið undir fundinn og samþykkt samhljóða.

Dagskrá:

1. Fundargerð 9. fundar umhverfis og skipulagsnefnd – dags 20.05.2015

Liður 3b. Áningarstaður við Bakkafjarðarhöfn. Sveitarstjóra falið að framkvæma verkið. Fundargerð að öðru leyti lögð fram til kynningar.

2. Fundargerð sveitarstjórnar Svalbarðshrepps, dags 21.05.2015 – Leikskóli/ skólamiðstöð, þátttaka í framkvæmd

Þann 21. maí 2015 samþykkti hreppsnefnd Svalbarðshrepps þátttöku í byggingarkostnaði nýs leikskóla á Þórshöfn. Þátttaka miðast við 17,5% af framkvæmdakostnaði en þó að hámarki 44 milljónir.

Sveitarstjórn Langanesbyggðar fagnar þátttöku Svalbarðshrepps og þeim áfanga sem í henni fellst.

3. Bréf rannsóknarnefndar samgönguslysa dags 06.05.2015

Lagt fram til kynningar. Vísað til sveitarstjóra og hafnarnefndar og þeim falið að kynna sér málið.

4. Umsókn um styrk úr uppbyggingarsjóði Norðurlands eystra

Langanesbyggð hefur sótt um styrk til uppbyggingar á Bakkafirði, umsóknin tekur til lagfæringa á húsnæði sem nú hýsir verslun. Hugmyndin að baki umsókninni er að efla hlutverk hússins hvað varðar menningarlega þjónustu við íbúa og ferðamenn. Lagt fram til kynningar

5. Könnun á innleiðingu og framkvæmd laga um leikskóla nr. 90/2008

Lagt fram til kynningar. Sveitarstjóra falið að senda á fræðslunefnd.

6. Svar vegagerðarinnar við bréfi vegna Fjarðar- og Langanesvegur

Lagt fram til kynningar.



LANGANESBYGGÐ

7. Ályktun vegna Afls – samtök vegna kynferðis- og heimilisofbeldis.

Aflið eru samtök gegn kynferðis- og heimilisofbeldi sem starfa á Akureyri. Lögð er fram ályktun sem bæjarstjórn Akureyrar ásamt nærliggjandi sveitarfélögum taka fyrir en þar er þess óskað að félagsmálaráðherra tryggi Aflinu nauðsynlegt fjármagn til að standa vörð um sambærilega þjónustu á landsbyggðinni og veitt er á höfuðborgarsvæðinu en fjárframlög til Aflsins hafa verið af mjög skornum skammti. Samþykkt samhljóða að taka undir fyrirbyggjandi ályktun.

8. Hafnarnefnd – skipun nefndarmanna

Aðalmenn: Rafn Jónsson (UR), Jónas Jóhannsson (UR), Áki Guðmundsson (UR), Halldór Rúnar Stefánsson (L), Jón Marinósson (N). Varamenn: Aðalbjörn Arnarsson (UR), Jóhann Ægir Halldórsson (UR), Birgir Ingvarsson (UR), Oddný Kristjánsdóttir (L), Agnar Jónsson (N).

Tillaga gerð um Rafn sem formann samþykkt með 6 atkvæðum, Hilma sat hjá.

9. Ísfélagið lóðamál

Siggeir Stefánsson lýsti sig vanhæfan, borið undir fundinn og samþykkt. Siggeir vék af fundi og tók Reynir Atli Jónsson við stjórn fundar, í stað Siggeirs kom Karl Ásberg Steinsson varamaður inn á fundinn.

Eftir umsagnir Umhverfis- og skipulagsnefndar og hafnarnefndar um málið samþykkir sveitarstjórn Langanesbyggðar breytingar á lóðamálum Ísfélagsins á Þórshöfn með neðangreindri bókun:

Eyraryvegur 12,14,16

Sveitarstjórn Langanesbyggðar felur sveitarstjóra að ganga frá lóðarleigusamningi við Ísfélagið í samræmi við bókun hafnarnefndar frá 19. desember 2014 hvar eftirfarandi kom fram. „Hafnarnefnd samþykkir fyrir sitt leyti breytinguna en leggur til að eftirfarandi skilyrði verði sett í úthlutunarskilmála lóðarinnar. Skilyrðið bætist við önnur skilyrði er varða umgengni og að ekki sé um geymslusvæði að ræða. Komi ekki til byggingarframkvæmda á reit þeim er bætt var við lóðina Eyraryveg 12, 14, 16 – „frystihúslóðina“ með breytingum til stækkunar til austurs innan 5 ára þá hefur Langanesbyggð rétt á að kalla eftir gögnum um byggingaráform á lóðinni og skal lóðarhafi svara því innan 6 mánaða. Sé framtíðaruppbygging ekki ákveðin innan 6 ára hefur Langanesbyggð rétt á að innkalla lóðina að undangengnum viðræðum við lóðarhafa.“ Samþykkt með 6 atkvæðum, Gunnólfur á móti.

Gunnólfur gerir eftirfarandi grein fyrir sínu atkvæði: Ekki er hægt að samþykkja umrædda stækkun til austurs þar sem ekki liggja fyrir nein staðfest byggingaráform á lóðinni.

Eyraryvegur 4.

Sveitarstjórn samþykkir sameiningu lóðanna Eyraryvegur 4 og Eyraryvegur 4b í eina lóð sem alls er 2.592 m² og felur sveitarstjóra að ganga frá lóðarleigusamningi við Ísfélagið með því skilyrði að Ísfélagið fjarlægji á sinn kostnað ónýt mannvirki sem á lóðinni eru. Skilyrðið bætist við önnur skilyrði er varða umgengni og að ekki sé um



LANGANESBYGGÐ

geymslusvæði að ræða. Samþykkt með 4 atkvæðum, Hilma á móti, Gunnólfur og Hulda sitja hjá.

Óskað var eftir 5 mínútna fundarhlé og var það samþykkt.

Hilma gerir eftirfarandi grein fyrir sínu atkvæði: Atkvæði mitt á móti þessari bókun snýr að því að rífa eigi mannvirki niður, þ.e. gömlu sundlaugina. Ég hefði viljað sjá ákvæði um uppbyggingu á því húsnæði í samningi í stað niðurrifs.

Siggeir kom aftur inn á fundinn og tók við stjórn hans.

10. Langanesvegur 2 – staða framkvæmda og ástand húss

Enginn framgangur hefur verið á framkvæmdum við húsið á þessu ári og hefur sveitarstjórn áhyggjur af útliti hússins eins og það er nú. Sveitarstjórn felur sveitarstjóra að afla upplýsinga um stöðu verkefnis og hvort eða hvernig sé hægt að þrýsta á eigendur um úrbætur á ytra útliti hússins og lóð. Samþykkt samhljóða.

11. 100 ára kosningaréttur kvenna

Sveitarstjórn vísar því til Menningar- og bókasafnanefndar að skoða hvernig megi minnst þess að á þessu ári er 100 ár frá því að konur fengu almennan kosningarétt. Samþykkt samhljóða.

12. Samstarfsamningur um almannavarnir

Fram er lagður samstarfssamningur um almannavarnir. Samningurinn nær til Þingeyjarsveitar, Skútustaðahrepps, Norðurþings, Tjörneshrepps, Svalbarðshrepps og Langanesbyggðar. Samningnum er ætlað að koma í stað gildandi samnings sem mun vera frá 2008. Lagt er til að sveitarstjórn samþykki samninginn og að sveitarstjóra sé falið að undirrita hann. Samþykkt samhljóða.

13. Skýrsla sveitarstjóra

- Sveitarstjóri hefur átt í viðræðum við símafélögin um bætt farsímasamband. Sveitarstjóri hefur upplýsingar um að Vodafone hyggist setja upp 4G sendi á Gunnólfsvíkurfjalli.
- Samningur liggur fyrir varðandi fjárhagsgreiningu KPMG sem samþykkt var á síðasta fundi.
- Ýmsar framkvæmdir og verkefni
 - a. Unnið er að lagfæringu á fráveitu á Eyrarvegi, verki líkur í næstu viku.
 - b. Reiknað er með að hellulögn við Naust muni hefjast í næstu viku. Gerð var verðkönnun, hagstæðasta boð kom frá BJ vinnuvélum.
 - c. Nánast er lokið við að skipta um þéttikanta í gluggum á Nausti og annað þarft smáviðhald.
 - d. Lokið hefur verið við að lagfæra foktjón á Nausti
 - e. Verið er að ljúka vinnu við lagfæringar á fráveitu frá tjaldstæði
 - f. Hálsvegur 9-11, klæðningu lokið ásamt ýmsum umhverfislagfæringum
 - g. Búið er að yfirfara bæjargirðingu, smávægilega lagfæringar framundan
 - h. Verið er að vinna að lokafrágangi á eldra sorpurðunnarsvæði



LANGANESBYGGÐ

- i. Vinnuskóli er að fara af stað og hefur flokksstjóri verið ráðinn á Þórshöfn
 - Reiknað er með því að götur á Þórshöfn og Bakkafirði verði sópaðar á morgun
 - Sveitarstjóri hefur frá miðjum apríl átt í samskiptum við vegagerðina varðandi veginn á Langanesströnd, óskað var eftir áætlun vegagerðarinnar um viðhald vegarins.
 - Bréf vegna vegar frá Þórshöfn til Bakkafjarðar hefur verið sent á vegamálastjóra og afrit á svæðisstjóra á Akureyri og þingmenn kjördæmis hvar bókun frá síðast fundi sveitarstjórnar er komið á framfæri. Í bréfinu er þess krafist að nauðsynlegum vegabótum verði flýtt og óskað eftir áætlun þar um.

Fleira ekki gert

Fundargerð upplesin og samþykkt samhljóða

Fundi slitið kl 18:35